



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Descriptionis Mortuorum Form. XIII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

eum Sacramentali absolutione recepta antequam expirasset, obiit in Communione S. Matris Ecclesiae, cujus Cadaver ad Ecclesiam N. ubi Sepulturam sibi elegit delatum, ibidem die . . . mensis . . . anni . . . tumulatum fuit in Sepulchro N. praesentibus N. & N. loci N.

Ita est N. Parochus Ecclesiae N. loci N.

ADNOTATIO.

3 **P**ERCURSUS. Cadaveribus interfectorum, quamvis spatium confitendi non habuerint, neque aliquod signum penitentiae dederint, adhuc Sepultura Ecclesiastica deneganda non est, dummodò non sit publici peccatores, puta decedentes in duello, &c. vel notorie excommunicati, prout Sac. Congr. Episc. respondit, & ordinavit Abbati Montis Cassini 31. Julii 1615.

Alia.

FORMULA XIII.

SUMMARIUM.

- 1 Quae advertere, & quae notare debeat Parochus in descriptione partium mortuorum, & num. 2.
- 3 Quisque praesumitur mortuus post centum annos.
- 4 Quis non praesumitur vivere usque ad centum annos.
- 5 Contrarium tenet Ludov. dec. Perus. 12.
- 6 Quisque praesumitur mortuus sine filiis.
- 7 Uxor praesumitur mortua prius, quam maritus.
- 8 Clerici sepellendi sunt in Cathedrali, etiam non electa Sepultura, si ad sit Sepulchrum separatum.

N. N. Uxor N. hujus meae Parochiae aetatis suae annorum . . . circiter, degens in via . . . receptis Sanctis Sacramentis penitentiae, & Eucharistiae, vi morbi oppressa, antequam Extrema Unctione potuisset muniri, ab hac vita in Communione S. Matris Ecclesiae die . . . mensis . . . anni . . . discessit, cujus Corpus ad Ecclesiam N. in qua sibi Sepulturam elegit delatum die . . . sequenti d. mensis, ibidem tumulatum fuit in Sepulchro N. praesentibus N. N.

Ita est N. Parochus Ecclesiae N. loci N.

ADNOTATIONES.

1 **U**Naquaeque ex supradictis Formulis varianda est juxta seculae mortis circumstantias, cum non sint pro omnibus, sed plurimis casibus. Non enim possibile fuit regulam institui, quae in nullo casu deficiat, ut ait D. Thom. 2. 2. quæst. 120. art. 1. Quocumque verò modo mors sequatur, Parochus animadvertat exprime-

re aetatem defuncti, locum, & diem obitus, Ecclesiam tumulantem, & qualitatem personae, idest, si est infans, si adultus, si senex. Item si oblit in Parochia, vel extra, si in Civitate, vel ruri, qua morte, si filius familias, an Vir Uxoratus, an Clericus, an Laicus, an Uxor, an Virgo, an Vidua? Quia hujusmodi circumstantiae relevant identitatem personae, & certitudinem mortis, litium occasionem tollunt, argenteque si omit-

2. Poi-

2. Possunt autem partitæ ad quinque Librorum Parochialium describi lingua etiam vernacula, præsertim in Pagis obscuris, ubi Incolæ sunt grossolani, & talis qualis notitia linguæ latinæ reputatur magna litteratura.

3. Et cum hic de morte, & sepultura loquamur, nota, quod obijisse quem præsumitur post centum annos, *l. fin. Cod. de Sacr. Eccles. Menoch. de præsumpt. lib. 2. præsumpt. 49. n. 2. Magon. dec. Lucen. 44. n. 12. Gratian. discept. 78. Farinac. repert. ult. volunt. qu. 34. n. 8.*

4. Sed vivere quis non præsumitur usque ad centum annos, *Tusch. lit. V concl. 226. n. 6. Rot. coram Zarat. disc. 89. n. 16. quia vita hominis est sexaginta annorum, l. post quis 57. ff. de hered. instit. l. computationis 68. ff. ad l. Falcid.*

5. At contrarium tenet Ludovic. *decis. Perus. 12. n. 2. ubi dicit, quod quis præsumatur vivere usque ad centum annos, nisi mors probeatur saltem per unicum Testem de visu, quia tunc, ut ipse ait, cessaret ista præsumptio, & Testis unicus depositio transferret onus probandi vitam in adversarium n. 16.*

6. Secundò nota, quod præsumitur quem obijisse sine filiis, nisi contrarium probeatur, *Bart. in l. factio §. Si quis autem ff. ad Trebel. Rot. cor. Seraph. decis. 1458. n. 3. & cor. Duran. decis. 301. n. 5.*

7. Tertio nota, quod Uxor præsumitur prius mortua, quam Maritus, ut tradit *Sebast. Medic. in tra. Mors omnia solvit part. 1. qu. 1. n. 55.*

8. Quartò, quod Clerici debent Sepeliri in Cathedrali, etiam Sepultura non electa, si adest Sepulcrum Clericorum, ut Rituale disponit, non obstante, quod in alia Ecclesia adest Sepulcrum majorum, *Sac. Cong. Episc. in For. sempromien. 1. Septemb. 1690.*

Deputationis Æconomi Parochiali vacanti.

FORMULA XIV.

SUMMARIUM.

- 1 Cura Animarum in Ecclesiis secularibus non debet exerceri à Regularibus.
- 2 Æconomus deputatur in Parochiali quocumque modo vacanti.
- 3 Ad Episcopum pertinet privativè deputare Æconomum Ecclesiis Parochialibus vacantibus.
- 4 Episcopus assignat congruam Æconomo.
- 5 Vicarius Curæ dicitur Æconomus, quia habet administrationem bonorum Ecclesiæ vacantis.
- 6 Æconomus semel constitutus non potest sine causa removeri.
- 7 Æconomo debetur Congrua ex fructibus Parochiæ, quæ potest esse duorum aureorum in singulo mense.
Æconomo Congrua non taxata, potest petere salarium usque ad summam taxari solitam à Camera Apostolica, ubi percipit spolia, *ibid.*

N. Episcopus N.

Dilecto Nobis in Christo Presbytero Seculari N. Salurem in Domino. Parochiali Ecclesia N. vacante Nos, ad quos spectat, ne Subditi illius Curæ in spiritualibus adjunctis detrimentum sentiant, illis de idoneo Sacerdote qui Sacramenta administret, providere volentes, cognita per examen tua sufficientia, & de cuius vita, & moribus plurimum in Domino confidimus, te in Vicarium, sive Æconomum d. Ecclesiæ Parochialis constituimus, & deputamus durante vacatione, & donec de Rectore provideatur, cum facultate Missas Parochiales, & alia Divina Officia celebrandi, Sacramenta omnia ministrandi, & alias Ecclesiasticas, & Parochiales functiones obeundi, ad quæ tenetur, & Animarum quilibet Rector præstare, & obire solet, cum Congrua fructuum d. Parochialis portione scut. annuorum, tibi liberè singulo mense pro rata persolvenda. In quorum &c.

N. Episcopus N.
Loco Sigilli.
Monacelli Form. Pars I.

N. Cancellarius Episcopalis.
T 3 ADNO.